


山子詩鈔

一



山子詩鈔卷一

吳興叢書

裘莊筍岳方 燾著

田園社吟

冬日田園卽事

凍雀鳴簷端曉霜在茆屋北風挾寒雲日淡無暄燠幸
今收穫畢不復往郊牧手足免龜坼妻孥飽粟菽長碓
暮搗珠大甌晨炊玉老農懷已遂寧計食不肉忽逢鄰
叟至斟酒慰豐熟桑落喜新篘醅面醲如粥雜坐無主
賓古質見風俗頽然一醉餘深巷起寒柝

送竈歌

雪壓寒廚歲云晏五祀祀竈循故典今朝例送竈君行

盤堆資餅羅盃盞兒女誼譁拜滿堂主人偃僂虔奉觴
炷香更向竈君祝憫我蟻忱奏玉皇祝罷酌酒更燒錢
鳴鉦擊鼓聲闐闐轟轟爆竹飛青煙風馬雲旗相後先
竈君歸兮小兒懽賸有神餘剖粉團

野燒

原野誰吹燹熒熒流影丹愁深漁火亂慘比鬼燐寒

梅魂

寂寂疏枝繞冰魂倩影涼花神徵變幻笛思共悠揚暗
引春心轉寒隨蝶夢長迷離山下路風雪暗雙羊

賦得長門燈暗數聲來

得門字

涼宵桂殿耿殘燈雁唳頻過靜掩門影掠銀缸沈碧落

響隨幽夢冷黃昏有情似帶明如怨無侶空招鉤弋魂
最是繞飛秋不下幾驚哀咽淡煙痕

湖堤懷古

頻年風浪齧堤痕往事波流迭變更水利不聞陳奏議
溝防何處置撩清吳越時太湖旁置撩清軍四部又名撩淺專治河堤爲尋安定
東坡蹟葭葦蒼蒼遠樹橫

蹴鞠

忽而高忽而低刀剪鵝毛一寸齊左爲提右爲挈踴躍
衝鋒賭足力凌空一擊疾如飛眼前腳底風颭急屋梁
榱棟勢掀翻毫芒亂捲晴飄雪宮女嬌爭勇石榴裙底
舞雙鳳寧馨巧鬪奇儼如較武聲闐闐靈機各自饒天

趣奪得頭籌稱神技旁觀莫笑爲兒戲

賦得攢素旣森靄

得森字

秋老凋原樹繁霜入夜侵清光隨練合凍影帶煙深
聳寒逾勁梢枯冷不禁淡粧驕古木積素縞丹林薄
比將殘雪寒留欲起禽楓黏千片玉橘變一株金近
映晶簾晃宵分月色沈離披高下徧望裏轉蕭森

插秧

霉風吹平疇霉雨時飄忽蠶桑幸已了插種因時急
努力早開畦丁男趨遠陌縛秧如束薪插秧如拱揖
俯首躬復偃退縮踵相接布置龜手披芊緜雁行列
疏密縱橫閒一一從繩直豈不惜辛勤時哉不可失
伊始不竭

蹙那望秋秀實有年良在茲黽勉勤栽植

五湖泛月歌

五湖萬頃平于掌波光蕩漾月初上我曹鼓棹恣逍遙
煙雲埽盡開疏朗環湖七十有二峯朶朶湧出青芙蓉
林屋華陽指顧閒昇姑謝姑相追從銀河倒轉瀉明鏡
滿湖射落星斗影坐來小艇離人寰恍入冰壺光四映
更闌嫋嫋水風過清香柄柄吹芰荷蛟鼉百怪俱潛伏
漁村寂靜山峩峩斯時安得李謠笛笛聲醉弄水雲窟
高歌喚起五湖君中宵吹落山頭月

白羽扇

翦取鵝兒羽裁來紈素同不須揮玉塵應卻輒塵紅

納涼

小築依湖墅迎涼啟短扉樹深濃蔭覆水暗亂螢飛竹
露沾葵扇荷香透葛衣趣幽忘日夕煙笛起漁磯

漳蘭

閩花數本保孤根玉綴玲瓏滿瓦盆

玉玲瓏建蘭名見羣芳譜

一榻

風清香自遠半簾月色淡無痕雙鉤已入王孫畫紉佩
難招屈子魂五月南天紅荔熟好將臭味友蘭蓀

新篁

乍喜貓頭迸旋驚鳳尾颺裏梢青箬嫩含粉紫苞香雨
過餘疏蔭風吹逗晚涼錦綳嬌稚子玉版味緇郎翠輦
湘江畔陰生渭水旁異時憑截管今日好開觴闔子留

佳客成林拂畫廊此君殊可愛會見掠雲長

松風

人間無價買無緣賞向風爐石鼎前雲偃半空來雨氣
濤翻萬壑瀉冰泉瓶笙賴許頻相和琴匣還開奏雅絃
碧筒飲

既不羨五石匏更不羨新卷荷幽人自有綠玉筒中通
藕孔清芬多狀若彎鼻象復似鸚嘴螺眞珠紅滴水芝
香一吸如挹冰雪涼裊花盤露成霞漿東坡蕉葉莫等
量種碧荷招紅友酒釀十千花十畝折盡田田澆磈磊
此乃眞是埽愁帚

賦得夏雲多奇峯

得奇字

誰削千重嶂火雲變態奇飛來排列岫覆處散炎曦含
雨涼頻起撐霄影半欹日邊盤赤壁天外寫修眉度海
疑三島凌湘誤九疑青遠如可上攀陟繫遐思

采蓮曲

十里紅霞消夏灣蕩舟結伴趁涼攀吳歛一曲斜陽晚
佛髻濃攢湖上山

村野卽目

趁晴偶散步風景忽頓異農務各辛勤縑車十住四夏
隴堆黃雲香風吹餅餌貿絲市頭回歡笑及童稚少婦
理新妝聊用掩憔悴榴花映日紅插鬢頗嬌媚見我獨
閒行倏然驚走避邨巷久岑寂恐是催租吏

蠶桑苦雨謠

蠶月做黃梅，繇雨時飄忽。鶉鳩不斷鳴，蠶飢正需葉。東家西家並嗷嗷，老農冒雨采柔條。盈籠采得負荷歸，沾泥帶水濕透衣。當風懸葉葉堪飼，攢攢蠶食疾如飛。纔脫雨蓑換破衲，屋裏空虛葉又缺。晚看虹亘一霎晴，黃昏忽布漫天雲。提筐結伴夜攜燈，明朝定是雨紛紛。葉濕傷蠶肚，葉久防葉腐。毋寧乘新鮮，不復辭辛苦。巴得繭絲十分熟，可堪難補心頭肉。長官日日坐晚衙，追取代完如火速。

白石榴

海榴標素潔，花綻玉玲瓏。不遣紅裙妬，羞爭綠樹叢。房

疑黏蝶粉子合餉晶宮好向瑤臺畔仙葩照眼空

竹簟

湘江截竹製花紈一榻清風臥灑然冷暈淨鋪千塢月
冰紋滑勝百番箋消炎小坐涼雲合坦腹高眠午夢圓
窗北羲皇元舊侶底須更覓水邊船

湖中泛月

玉鏡流光映綠波良宵消暑泛輕艖寺門深閉漁邨靜
湖上青山碧似螺

月照胥毋水底天冰壺蕩漾綠田田暗香細裊菰蒲外
依約吳娘夜采蓮

觀雨

朝看大雨注暮看細雨飛只愁新麥壞不見嫩秧肥

賦得春蠶收長絲

首夏開重綠連村軋軋時添梯環鼓絡浴繭弄清漪
盎粲銀花色縑盈白雪姿轉旋工剝緒杼柚細抽絲
英聚心交引功成利共資綺羅還貢織黼黻煥丹墀

山子詩鈔卷一

山子詩鈔卷二

裘莊筇岳方 燾著

待定草

起戊寅訖壬午計古今體詩共四十一首

元旦與大兄飛崖同作 得同字

鵲噪啞啞傍畫櫳頻催曙色日瞳矐一聲爆竹辭殘臘
數點梅花發故叢賀歲不嫌親串少聯吟喜有弟兄同
額顏遜志遺箴在 遜志全小額先大父取此以勗後人敢負琴書舊日風

次姚萬汀先生雪後探梅韻

東風破梅萼枝枝照初旭況當雪晴時掩映同冰玉便
當買芒屨攜杖恣眺矚清光煙際浮暗馥行邊觸陡覺
盪塵氛于焉澹情欲此中趣何佳低徊看不足不有孟

山人可謝幽尋躅寂寂耐孤芳毋令熱客辱

題鄭桐橋山水立幅

硯匣琉璃墨一丸解衣磅礴寫煙巒鄭家博士傳真訣
不學江南小筆山

畫山水家有小筆
山見王樓邨詩集

西泠橋有古松一株頗饒纏霜溜雨之狀在榛莽

中因作小詩以弔之

虬枝百尺簇龍鱗寂歷荒隄老此身湖上冶遊人似蟻
只看桃柳畫橋春

贈崔蘇門

崔顥才名早盛傳文壇共羨筆如椽風情瀟灑靈和柳
詩句清妍庾杲蓮畫虎我慚持秃管聞雞君自著先鞭

行窩剩喜堪相望便好論文樽酒前

春草和大兄飛崖

燒痕依舊長春風望裏芊眠是處同夢入西堂微雨後
愁深南浦夕陽中水邊掩映侵波綠徑畔萋迷襯落紅
最是一庭生意好坐看鎮日捲簾櫳

戲詠泥美人

拈來巧手美無倫縱出汗泥不染塵掌上擎時疑欲舞
樓頭墮去似忘身無勞裁紵施纖體儘費調脂點絳唇
那復愛將金屋貯免教棄擲道旁春

龍松歌和姜海樵先生

松在胡安定公墓上

松株天矯蟠蒼龍黛色參天青濛濛爪甲攫拏鱗之而

恍如騰躍風雨中不知何年誰手植胡公墓上盤蔥鬱
雲生渾疑噓氣成濤湧忽訝腥風歛胡公友教重蘇湖
文章千古仰鴻模上繼鄒魯延先澤下振頑懦闢荒蕪
今看松檟蔭杯土過客猶欽教澤溥胡公原是人中龍
松亦效靈欲起舞風吹謾謾沛時雨

露坐

清夜中庭坐翛然此息機天空迎氣爽籟靜會心微竹
露沾葵扇荷風透葛衣流螢亦何意伴我傍階飛

燕營巢和韻

年年許借畫梁棲辛苦營巢雙翼齊斷草啣來恆帶雨
殘花拖去半沾泥主人垂愛簾常捲門巷雖深路不迷